

# Presseeinladung

Ihr Ansprechpartner

Lea Mock

Durchwahl

Telefon +49 351 564-1310

Telefax +49 351 564-1309

Dresden,

26. Juni 2018

## „ROZMOŁWA ZE SAKSAMI“ pola Serbow

### Ministerski prezident a předsyda Domowiny přeprašataj dnja 4. julija 2018 do Serbskeho doma

Drježdžany/Budyšin (26.06.2018). Ministerski prezident Michael Kretschmer a Dawid Statnik, předsyda Domowiny – Zwjazka Łužiskich Serbow z. t. přeprašataj Serbowkow a Serbow na wuměnu idejow a mysličkow. Na rozmołwje w Budyskim Serbskim domje wobdžěla so tohorunja ministerka za socialne Barbara Klepsch, minister za ratarstwo Thomas Schmidt, minister za zwjazkowe a europske naležnosće a šef statneje kenclije Oliver Schenk, statni sekretaroyo w mišterstwje za justicu Andrea Franke, w hospodarskim ministerstwje Stefan Brangs, w nutřkownym ministerstwje Günther Schneider a w ministerstwje za wědomosć Uwe Gaul kaž tež prezident krajneho zarjada za šulu a kubljanje Ralf Berger.

„Ze sobu rěčeć je wažne za žiwu demokratiju a ciwilnu towaršnosć“, praji ministerski prezident Michael Kretschmer. „Tohodla su Rozmołwy ze Saksami za mnje a moje koleginy a mojich kolegow w kabineće stajnje wulke wobohaćenje, z kotrychž čerpamy mnoho nastorkow. Ze Serbowkami a Serbami do rozmołwy přińć, je mi wosebje wažne. Ja chcu sej jich ideje a prašenja naposkać, chcu zhonić, što woni kritizuja, što jich zaběra a kak so sami aktiwne na wuhotowanju našeje towaršnosće wobdžěla. K tomu kóždneho wutrobnje přeprašam.“

Předsyda Domowiny Dawid Statnik: „Wjeselimy so, zo wotměje so tuta Rozmołwa ze Saksami w Serbskim domje. K wosebitosćam tutoho wječora słuša, zo móžeja wobdžělnicy swoje prašenja tež w serbskej rěči stajić, a to k wšěm temam, kiž jich w swojim wšědnym žiwjenju zaběraja. Wšitcy serbscy zajimcy su tohodla wutrobnje přeprašeni, tutu składnosć wužić, so na městnje, bjez přizjewjenja, z ministerskim prezidentom a dalšimi zastupjerjemi knježerstwa rozmołwjeć. Ja sym měnjenja, zo měli my tutu šansu na dialog wužić a jón z našimi naležnosćemi a nastorkami sobu postajeć.“



DIE KAMPAGNE DES  
FREISTAATES SACHSEN.

Hausanschrift:

Sächsische Staatskanzlei

Archivstraße 1

01097 Dresden

[www.sachsen.de](http://www.sachsen.de)

Verkehrsverbindung:

\* Kein Zugang für elektronisch signierte  
sowie für verschlüsselte elektronische  
Dokumente

## Information

### Wotběh:

19:00 hodž.: witanje a předstajenje wobdžělnikow  
19:30 hodž.: rozmołwy při jednotliwych temowych blidach  
20:30 hodž.: kónčna rozmołwa

Temy rozmołwow sahaja wot kubłanja, wěstoty, wobchada, hospodarstwa, wutwara spěšneje syće za internet, medicinu a socialne hač ke kulturje a wědomosći, financam, ratarstwu a wobswětej kaž tež justicy. K tomu zarjaduja so temowe blida, při kotrychž zetkaja so ministerki a ministroj ze Serbowkami a Serbami k rozmołwje.

srjedu, 4. julija 2018,  
započatk: 19:00 hodž. (zastup wot 18:15 hodž.)

Serbski dom,  
Póstowe naměsto 2  
02625 Budyšin

Přizjewjenja njejsu trěbne.

Prošu wužiwać zjawne parkowanišća.

Zastupjerjo medijow su wutrobnje witani!

### Narěčenskeje partnerce:

Lea Mock  
zast. rěčnica knježerstwa  
tel.: +49 351 564-1310  
mobilnje: +49 172 350 3738  
[lea.mock@sk.sachsen.de](mailto:lea.mock@sk.sachsen.de)

Borbora Felberowa  
nowinska rěčnica  
Domowina z. t.  
Póstowe naměsto 2  
02625 Budyšin  
tel: +49 3591 550-202  
[borbora.felberowa@domowina.de](mailto:borbora.felberowa@domowina.de)